

2. Ղազարյան

Հ. ՍՎԱՃՅԱՆԻ ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԻ
ԳԱՂԱՓԱՐԱԽՈՍՈՒԹՅՈՒՆԸ

Հարություն Սվաճյանը (1831—1874) հայ առաջավոր մտքի պատմության ականավոր ներկայացուցիչներից է։ Նա հրապարակախոս է, պրակտիկ գործիչ, հայ ժողովրդի ազատագրական պայքարին նվիրված անվեհեր զինվոր։

60-ական թվականների արևմտահայ գործիչների ու հրապարակախոսների մեջ դժվար է մատնանշել մեկին, որն իր գրչի ազդեցությամբ, երգիծաբանական տաղանդով, ինչպես նաև զավառում ծավալած ուղղությունն գործունեության կարողանար հավասարվել անկաշառ ու անվախ, ազնիվ ու ժողովրդանվեր Հարություն Սվաճյանի հետ։ Պատահական չէր. երբ Մ. Նալբանդյանը ժամանեց Պոլիս, արևմտահայ բուրժուական ինտելիգենտներից ամենից վաղ Սվաճյանը հարեց նրան, պաշտպանեց նրա գաղափարները, կանգնեց նախնադանական դիրքերի վրա։ Նալբանդյանի բանտարկության տարիներին, ինչպես նաև նրա մահվանից հետո, արևմտահայ դեմոկրատական ինտելիգենցիային, հատկապես «մեղվական երիտասարդությանը» գաղափարական ուղղություն և գործնական ղեկավարություն էր ցույց տալիս Հ. Սվաճյանը։

Հ. Սվաճյանը միայնակ չէր։ Նա ունեցավ իր համախոհներն ու զինակիցները, որոնք սուլթանական Թուրքիայի ծանր ուժի ներքո, արհամարհելով ամեն տեսակի վտանգը, հաճախ ենթարկվելով հալածանքների, այնուամենայնիվ, ձեռնարկեցին հայ ժողովրդի ազատագրման համար մղվող պայքարի գաղափարախոսությունը։

Հ. Սվաճյանը առաջինն էր, որ Մ. Նալբանդյանից ստացավ «Երկու տող» և «Երկրագործությունը որպես ուղիղ ճանապարհ» աշխատությունները, հատվածաբար արտատպեց «Մեղու» պարբերականում և պահպանողականների ու լիբերալների հարձակումներից պաշտպանեց գաղափարական ու պրակտիկ առաջնորդի դրույթները։

Մ. Նալբանդյանը շատ սրտառու կերպով արտահայտվեց Սվաճյանի խմբագրած «Մեղու» երկշաբաթյա թերթի մասին, այն համարելով «...երիտասարդների և կենդանի ժողովրդի մաքուր բերանը, ազգի ցավերի և ուրախության ճշմարտապես հայտարարը»¹։

Ուշագրավ են Մ. Մամուրյանի գնահատականները Հ. Սվաճյանի մասին։ Վրույրի բրոնիկներում կարդում ենք. Սվաճյանը «մարդասեր անձ էր, որու հոգին հայերու վշտաց վրա լալու ատեն՝ շրթունքն անոր թերության վրա կծիծաղին, գրիչը մոլություններ կհարվածե և մոլիները տարտարոս կդրկե... ժողովրդյան զավակ և աղետից թարգման, բռնության թշնամի և ազատության անվեհեր ու լուսամիտ կուսակից... Դու կնճոռտ խնդրներ ես լուծեր, երկշուռ սր-

¹ Մ. Նալբանդյան. Ծրվերի լիակատար ժողովածու, հատ. 3, էջ 107։

տերու քաջալեր ես տվեր»¹։ Ավաճյանի գործունեությունը դրվատող տողեր հրապարակեցին ժամանակի դեմոկրատ մտածողներ Ա. Հայկունին, Գր. Չիլինկիրյանը, «Փարիզ» թերթի խմբագիր Ա. Մուրադյանը և ուրիշներ։ Ընդհակառակը, ռեակցիոն պահպանողականները, նույնիսկ լիբերալ «Մասիսի» խմբագիր Կ. Յուրուճյանը, բազմաթիվ հարձակումներ էին կատարում Սվաճյանի ու նրա «Մեղվի» վրա։ «Երևակի» խմբագիր Հ. Չամուռճյանը, Տեյրիմենճյանը («Արևելյան դար» պարբերականի խմբագիր), Խ. Պ. Միսակյանը, կաթոլիկական հերձվածի առաջնորդ Անտոն Հասունյանը կատաղի մարտեր էին մղում Սվաճյանի դեմ, մատնում նրան կառավարությունը, սեպեցնում նրա գործերը։ «Մեղվի» ծավալած դադափարական պայքարը այլևս ոչ մի կասկած չի թողնում, որ Սվաճյանը եղել է «սկզբունքի տեր մարդ», հասարակ ժողովրդի շահերի հավատարիմ պաշտպանը։ Սույն հոդվածում մենք կքննարկենք միայն Սվաճյանի աշխարհայացքի էվոլյուցիայի և «Մեղվի» էջերում ծավալած ազգային-ազատագրական պայքարի գաղափարախոսությունն ինդիքները։

* * *

Ընդամենը 25 տարեկան էր Սվաճյանը, երբ Պեշիկթաշի դպրոցում Ն. Ռուսինյանի «Ուղղախոսությունը» դասավանդելու պատճառով հեռացվեց ուսուցչությունից և Օտյանների օգնությամբ ձեռնամուխ եղավ «Մեղու» երկշաբաթաթերթի հրատարակման գործին։ Մի տարի անց, 1857 թ. Կ. Պոլսում սկսվեց «սահմանադրականների» ու «հակասահմանադրականների» կատաղի պայքարը, որը փաստորեն «լուսավորչալ» բուրժուազիայի մարտն էր «խավարչալ» ամիրայության և կղերա-պահպանողականների դեմ։ Հ. Սվաճյանը՝ «Մեղվի» շուրջը համախմբելով «լուսավորչալ» «սահմանադրականների», պրակտիկ պայքարից բացի, սկսեց հրատարակել ֆելիետոնային, կծու սարկազմով զրած իր հոդվածները, դրանով իսկ դարձավ «խավարչալների» վրա սարսափ տարածող անձնավորություն։

Հրապարակախոսը «Մեղվի» հրատարակման առաջին իսկ օրերից իր պաշտպանություն տակ առավ հասարակ ժողովրդին, սկսեց մտահոգվել զավառահայության լուսավորության, ինչպես նաև տնտեսական կյանքի բարելավման խնդիրներով։

«Ես ալ որովհետեւ հրապարակախոս ըլլալու պաշտոն առած եմ վրաս, — գրում էր Սվաճյանը, — ես ճշմարիտ ազգասիրությամբ կսեմ, ուրիշները թող ազգատեցությամբ ըսեն, պիտի ջանամ անկողմնասեր ոլորտ, ամեն բան դիտելու, ազգային հառաջդիմության և լուսավորության արգելքներն ու անոնք դնողներն համարձակ, այլ ո՛չ անխոհեմությամբ հայտնելու և ըստ իմ կարյաց անոնք վերացնելու ճամբաներն ալ ցույցնելու՝ գործադրությունն ազգին համար հանձնելով»²։

Տակալին 1856 թ. Սվաճյանը ձգտում էր դարձնել տալ ազգային երկրագործությունը, ստեղծել ապրանքային գյուղատնտեսություն։ Գյուղատնտեսական մթերքները կդառնային այն հիմնական հումքը, որով հնարավորություն կլիներ ընդարձակել ներքին շուկան, զարգացնել ապրանքա-դրամական հարաբերու-

¹ Վրույր (Մ. Մամուրյան), Հայկական նամականի, 1872, Ձմյունիկ, էջ 259—260։

² «Մեղու», 1856, էջ 78։

թյունները: Այս հարցում Սվաճյանը որոշակիորեն սահմանազատվում էր «Մեղ-վի» աշխատակիցներ Գր. Օտյանից և Ն. Ռուսինյանից: Նրա մտահոգության առարկան ոչ թե խոշոր բուրժուազիան կամ հարուստ վերնախավն էր, այլ աղ-քատ գյուղացին, քաղաքներում հաց և աշխատանք որոնող, շարքաշ աշխատանքով ապրող օրավարձու մշակները:

«...Մշակը թող ստակ չունենա,— գրում էր Սվաճյանը,— հարուստները կգնեն դրամագլուխ, մշակներն ալ կաշխատին. որով հարուստները իրենք վաստակելեն զատ մեծ բարերություն մը ըրած կըլլան այն խեղճերուն, անոնց, որ իրենց երկրին մեջ հողագործության պարապելով օգուտ մը չկրնան քաղել և պարտավորված են իրենց երկրեն և իրենց ընտանիքեն հեռու բաղդ մը փնտռելու ու անարգ արհեստներ գործելու... աղքատներու հաստատած բարեկարգ ընկերություն մը հարուստներուն իրենց հաշվույն համար բռնած գործեն ավելի շահավոր կըլլա աղքատներուն համար»¹: Սվաճյանը պաշտպանում էր աղքատներին, բայց դեռևս այն գիտակցությամբ, որ «հարուստները խիղճ ունեն» և իրենց դրամագլխով «կօգնեն մշակներին»:

Էական մոմենտներից է և այն, որ Սվաճյանի ծրագրերում առաջադրվում է ժողովրդի ոչ միայն լուսավորության պահանջը, որը ընդհանուր էր ժամանակի բուրժուական բոլոր գործիչների համար, այլ նաև նյութական դրության բարելավումը: «Լեհ փնդապետի նամակ» խորագիրը կրող հոդվածում Սվաճյանը արծարծեց հողային հարցը, երկրագործությունը համարեց ազգի «հիմնական փրկիչը՝ աղքատության» ճիրաններից: Հատկանշականն այն էր, որ նման հարցադրումը առաջին անգամ էր երևում հայ մամուլի էջերում: Սվաճյանն ինքը գուցե բոլորովին էլ չէր գիտակցում, թե քիչ հետո այս հարցը դառնալու է ուղղության ղեկավարողի հիմնական պահանջը: Այդ երևում էր նրանից, որ վերոհիշյալ կարևոր հարցադրումից հետո, հարցի լուծման ուղիները որոնելիս Սվաճյանը ընկնում էր ուտոպիայի մեջ, անմիջապես դրսևորում այդ շրջանի իր հայացքների չափավորությունը:

Սվաճյանը պայքարում էր նաև արևմտահայության քաղաքական իրավունքների պաշտպանության նշանաբանով: Նա խրախուսում էր էսնաֆների պայքարը ընդդեմ պոլսահայ ամիրայության և սահմանադրության հրապարակումից մեկ տարի առաջ, 1859 թ. հայտարարում էր. «...ազգ մը ամենայն իրավամբ կարող է իշխաններուն իրանց պաշտոնին մեջ խարդախությունը, անհավատարմությունը և անիրավությունը տեսած ատեն, զանոնք դատապարտելու և նախատելու. անոր ընծայած հարգանաց փոխանակ, ետքն ալ անարգելու. վերջապես իրավունք ունի զինքը թշվառացնելու նպատակով իշխողը վանելու, հալածելու և ամեն կերպով զանի թշվառ ընելու...»²:

Բարձր դասելով սահմանադրությունը, Սվաճյանը սահմանադրական շենքը ձգտում էր կառուցել ոչ թե արհեստավորների նեղ դասային տեսանկյունով, այլ նրան կամենում էր մասնակից դարձնել լայն ժողովրդական մասսաներին, դավառահայ գյուղացիությանը, բանվորներին, մտավորական մասսաներին³: Նա սահմանադրական շարժումը օգտագործեց ժողովրդին քաղաքական պայ-

¹ «Մեղու», 1856, էջ 66—67:

² «Մեղու», 1859, էջ 34:

³ Ա. Գ. Հովհաննիսյան, Նախնայանք և նրա ժամանակը, Երևան, 1955, հատ. 1, էջ 405:

քարի նախապատրաստելու համար և հետագայում՝ չրավարարվելով կամ դուրս գալով սահմանադրական պատրանքների մշուշից, առաջադրեց ժողովրդի զինված պայքարի մեթոդը:

Ժողովրդական մասսաների լուսավորություն, տնտեսական գրության բարելավում, երկրագործության և վաճառականության դարգացում, ամիրայության իրավունքների սահմանափակման գնով ժողովրդի քաղաքական իրավունքների ընդլայնում, աշխարհաբար լեզվի մշակում և մասսայականացում, — ահա հարցեր, որոնք ակունք ծառայեցին Սվաճյանի հետագա գործունեությանը և հիմք դարձան «նալբանդյանական» ուղիով ընթանալուն:

Զպետք է անտեսել և այն, որ վերոհիշյալ հարցերի լուծման մեթոդների առաջադրման խնդրում անմիջապես երևում էր 50-ական թվականների «Մեղվի» պահանջների շափավորությունը: Այդ շրջանում «Մեղվի» էջերում բացակայում էր հայ ժողովրդի քաղաքական պայքարի գաղափարախոսությունը, մի բան, որը ճնշված ազգության ներկայացուցիչ բուրժուական դեմոկրատի հիմնական պահանջներից մեկն էր:

Գրիգոր Օտյանի և Նահապետ Ռուսինյանի՝ ապագա անվանի լիբերալների, գործակցությունը «Մեղում» շաբաթաթերթին, բնական է, որ պետք է լիբերալիզմի կնիքը դնեն «Մեղվի» ընդհանուր ուղղության վրա: Հայտնի է, որ «Մեղվի» աշխատակիցներ են եղել Գրիգոր Օտյանը, Նահապետ Ռուսինյանը և Ն. Պալյանը: Հովհաննես Մկրյանը ժամանակին որոշ հոդվածների տակ թանաքով դրել է աշխատակիցների անունները, հատկապես «Գ. Ս. Օ.» տառերով ստորագրող Գ. Օտյանի անունը: Հրանտ Ասատուրը ևս վկայում է, թե «Օտյանը թերթը («Մեղուն» — Հ. Ղ.) քիչ ալ իրենը կհամարեր»: Այնուամենայնիվ, «Մեղվի» էջերում տպված բոլոր հոդվածները չէ, որ Սվաճյանի գրչին են պատկանում:

Առաջին երկու տարում «Մեղուն» հրատարակվում էր «ուղղախոսության» լեզվով, որի պատճառով էլ ոճից դժվար էր որոշել, թե այս կամ այն հոդվածը ում է պատկանում: Ի դեպ, քիչ չեն այն հոդվածները, որոնց տակ ոչ մի ստորագրություն չի դրված: 1857—1861 թթ. «Մեղվի» էջերում տպագրված՝ արևմտահայերի «Ազգային սահմանադրությանը» նվիրված և բարձր լեզվական կուլտուրայով գրված բազմաթիվ հոդվածները Սվաճյանին չէին կարող պատկանել: Ոճից և լեզվից ականհայտ է, որ դրանց հեղինակները պետք է լինեին Գրիգոր Օտյանը, Ն. Ռուսինյանը, իսկ որոշ հոդվածների հեղինակը՝ Ն. Պալյանը:

Զպետք է մոռանալ նաև այն, որ Սվաճյանը այդ էտապում դեռևս ապրում էր իր հայացքների խմորումների շրջանը: Ազգային բուրժուազիան արևմտահայերի կուլտուրական վարժողության տվյալ շրջանում դնում էր ժողովրդի կրթության, լուսավորության պահանջները, որոնք ժամանակի իմաստով պրոգրեսիվ էին և համընկնում էին ժողովրդական մասսաների որոշակի ձգտումների հետ: Բնական է, որ իր գործունեության վաղ շրջանում, երբ Սվաճյանի հայացքները դեռևս ռևոլյուցիոն լիցք չէին ստացել, նրան չէին կարող խորթ լինել վերոհիշյալ պահանջները: Ահա դրանով կարելի է բացատրել այն, որ արևմտահայ դեմոկրատիայի տրիբունը 1860 թ. գրում էր հետևյալ տողերը. «Բարեբաստի՜կ ազգ. ինչ որ ուրիշ ազգեր մեծամեծ արյունհեղությամբ հազիվ կրցան ձեռք բերել այսօր դուն ամենայն խաղաղությամբ և սիրով ստացար, աշխարհիս էն մեծ և լուսավորյալ ազգերուն ազգային ընդհանուր ժողովոց նման ժողով գումարեցիր և բու սրահի դուռը սպասելու ազգային պահապան զորքերդ, բու ժողովականացդ սերն եղավ, որ դուրս նետեց ստեղծությունն ու խռովությանց

առիթները... Աշխարհը թող զարմանա, երբ օր մը քու տարեգրությանց այս բերկրառիթ գլուխը կարդալով տեսնե, թե ի՞նչ մեծ գործ մը, ի՞նչ մեծ դյուրությանմբ ի գլուխ եկած է, ու զմայլի չայ ազգի խաղաղասեր բնավորության վրա... իվ դուք, կարոտյալք ազգին ծերք և տղայք, աղքատք ու հարստահարյալք, ցնծացեք ու ուրախ եղեք»¹:

Պայքարի այս էտապում դասակարգերի հաշտեցման ձգտումներով տոգորված Սվաճյանը «Կուսակցության ոգին» համարում էր «աշխարհը տակնուվրա ընող և անոր խաղաղությունը վրդովող մեծ մոլորություններեն մեկը»։ «Կուսակցության ոգին,— դրում էր «Մեղուն»,— այդ ժամանակներս ազգը այսպես մաս-մաս բաժնելեն ետև, դեռ գոհ եղած չէ, այլ կջանա միշտ ալ ավելի դասերու պառակտել... Կճանչենք կուսակցության ոգվոյն շարությունը, կտեսնենք անոր հասուցած վիշտերն ու վնասները... Մեղուն կուսակցության ոգվոյն դժոխային սահմանները ոտք չկոխեր և զանի ալ իր սահմանը չընդուներ»։

1850-ական թվականներին «Մեղուն», ձայնակցելով լիբերալ «Մասիսի» ընդդեմ ֆրանսիական ունույնցիայի վետերան Ստեփան Ոսկանյանի գրված հոդվածաշարին, զետեղում էր ֆելիետոն վերջինիս ծաղրանկարով։

«Մեղվի» հրապարակած նման բնույթի հոդվածներից պարզ է, որ պարբերականը իր վրա կրել է չափավոր լիբերալիզմի կնիքը։ Սվաճյանի հոդվածներում տեղ գտած դեմոկրատիզմը ազգային շրջանակներից դուրս չի եկել։ Բավական է հիշատակել, որ առաջին շրջանի «Մեղվի» էջերում, հայերից բացի, ոչ մի ժողովրդի մասին խոսք չկա, այն դեպքում, երբ 1860-ական թվականներին Սվաճյանին մտահոգում էր քրդերի, իտալացիների, լեհերի պատմական բախտը։

Դ. Գասպարյանը, անտեսելով Սվաճյանի աշխարհայացքի ստվերոտ կողմերը, ձգտել է ապացուցել, որ նա այս շրջանում եղել է հետևողական դեմոկրատ, բուրժուական-դեմոկրատ, «լուսավորիչ-դեմոկրատ», «լուսավորական դեմոկրատ»²։

Գասպարյանը շփոթել է Սվաճյանը «լուսավորյալների» պարագլուխներից էր, բայց ոչ լուսավորիչ-դեմոկրատ։ Այլ է «լուսավորյալը», այլ է «լուսավորիչը»։ «Լուսավորյալներ» կոչվեցին արևմտահայ բուրժուական այն ինտելիգենտները, որոնք, ի հակադրություն «խավարյալ» գրաբարամուլների, պաշտպանեցին աշխարհաբար լեզուն և աշխարհիկ գրականությունը։ Այդ շարժման բոլոր մասնակիցները չէ՛, որ լուսավորիչներ էին։

Վ. Ի. Լենինի կողմից բուրժուական լուսավորիչ գնահատականի են արժանացել ուսումնական-դեմոկրատները, հատկապես Ն. Գ. Չերնիշևսկին։ «Ո՞ր ժառանգությունից ենք մենք հրաժարվում» հոդվածում Վ. Ի. Լենինը նշում է բուրժուական լուսավորիչի նետեյալ երեք հատկանիշները. ա) «կրքոտ թշնամություն» ֆեոդալական հասարակության բոլոր ինստիտուտների նկատմամբ, բ) «կյանքի եվրոպական ձևերի պաշտպանություն», գ) «...գյուղացիների (որոնք դեռևս լիովին ազատագրված չէին կամ նոր միայն ազատագրվում էին լուսավորիչների դարաշրջանում) շահերի պաշտպանությունն է, անկեղծ հավատ, թե

¹ «Մեղուն», 1860, № 108, էջ 188—189։

² Տե՛ս Դ. Գասպարյան, Նախադասի ազդեցությունը արևմտահայ հասարակական-քաղաքական մտքի վրա, «Սովետական գրականություն», 1955, № 4, էջ 110։

ճորտատիրական իրավունքի և նրա մնացորդների վերացումն իր հետ ընդհանուր բարեկեցություն կրերի, և դրան օժանդակելու անկեղծ ցանկությունը»¹։

Սվաճյանի 1850-ական թվականների գրական և հրապարակախոսական ժառանգությունը թույլ չի տալիս նրան անվանել դեմոկրատ-լուսավորիչ կամ բուրժուական լուսավորիչ այդ հասկացողությունների լենինյան իմաստով։

Ընդհակառակը, Սվաճյանը կրքոտ ատելությամբ էր լցված դեպի այն մարդիկ, որոնք կողմնակից էին արևմտահայ կյանքի «եվրոպականացմանը»։ «Մեղվի» էջերում գյուղացիներին ազատագրելու, հողով բավարարելու պահանջ չի առաջադրվում, չկա ատելություն «Ֆեոդալական բուրժուազիայի ինստիտուտների» նկատմամբ։ Բուրժուազիայն այլ էր Սվաճյանը 60-ական թվականների իր հայացքներով ու պրակտիկ գործունեությամբ։

1860—1861 թթ. ինչպես մի շարք այլ գործիչների ու հրապարակախոսների, այնպես էլ Հ. Սվաճյանի հայացքներում որոշակիորեն շրջադարձ է կատարվում։ Այդ շրջադարձի գործում անշուշտ խոշոր դեր է կատարել Մ. Նալբանդյանը, բայց նաև չպետք է մոռանալ «սահմանադրական» շարժման, զավառից եկող բողոքների ազդեցության, Ջեյթունում սկսած ազատագրական կռիվների նշանակությունը Սվաճյանի աշխարհայացքի հասունացման պրոցեսում։ Սուլթանական Բ. Դուռը իր ռեպրեսիաներով «սահմանադրության» ամլացմամբ, մամուլի և մամնավորապես «Մեղվի» նկատմամբ հարուցած արգելքներով սառը ջուր լցրեց Հ. Սվաճյանի բարեհոգության վրա։

Ահա այս ներքին ու արտաքին պատճառներից ելնելով՝ 1860 թ. հուլիսի 10-ին «Մեղուն», բացահայտելով եվրոպական դիվանագիտության խարդախ ու «ժողովրդատյաց» էությունը, անցյալում ունեցած համերաշխության քարոզների փոխարեն այժմ հրապարակով հայտարարում է. «Այս ազգը (հայերը — Հ. Ղ.) րե իր մեջեն րե դուրսեն շատ մարդիկ իրեն քննամի ունեցավ վասնզի գմարդիկ և գմարդկություն շատ սիրեց այս ազգը (ընդգծումը մերն է — Հ. Ղ.), զանոնք իր մեջ ընդունեցավ, իր ամեն բարեսրտություն անոնց հայտնեց որպեսզի ասոնք դառնան ու դինք խայթեն»²։

Այսպիսով «Մեղուն» իր քննադատական խոսքն ուղղում է եվրոպական խարդախ դիվանագետների, կաթոլիկ գործիչների հասցեին, որոնք «հայերի փրկության» լուղունգով հող էին նախապատրաստում իրենց քաղաքական էքսպանսիայի համար։

«Ասոնց դեմ, ասոնց անդթությանց դեմ, — գրում էր «Մեղուն», — բողոքած ատեն, ելան ու աշխարհի մեկ ծայրեն մյուսը հասուցին իրենց աղաղակներուն ձայնը ու ուզեցին, որ զմարդկությունն ամբողջ հրավիրեն այս ազգին վրա ու զարնել կործանել տան այս տունը, որ ետքեն անոր փլատակներովը նոր տուններ կանգնեն իրենց համար... Ահա մեր ըսելիքը Եվրոպային, ահա, ինչ որ մինչև իմա չկրցանք ըսել և տակավին ըսելու չենք փութար»³։

Նույն տարվա օգոստոսի 20-ին Սվաճյանը «Հյուսիսափայլից» արտատպում է Կոմս էմմանուելի «Մանկության օրեր» և այլ բանաստեղծություններ։ Դեռևս 1858 թ. Հ. Սվաճյանը, «Հյուսիսափայլի» էջերից ծանոթ էր Մ. Նալ-

¹ Վ. Ի. Լենին, Երկեր, հատ. 2, էջ 652—653։

² «Մեղուն», 1860, № 103, էջ 152։

³ Նույն տեղում, էջ 152։

րանդյանի հոգվածներին: Նա արտատպում էր այդ հոգվածները, սակայն առանց ծանոթագրությունների: 1860 թ. երկրորդ կեսից Հ. Սվաճյանը, «Հյուսիսասիայից» արտատպելով որոշ հոգվածներ, նրանց կցում է ուշագրավ մեկնաբանություններ: Արտատպելով Ստ. Նազարյանցի «Հայոց ազգի լուսավորության կամ սուրբ թաղմանիչների դարը» խորագիրը կրող հոգվածը, Սվաճյանը ավելացնում է. «Այս գեղեցիկ և հմտալից հոգվածը հրատարակելուս հետ պարտք կը համարենք նաև ծանուցել ասոր մեջի ամեն կարծիքներ միօրինակ շենք պաշտեր հեղինակին հետ»¹: Այստեղից պարզ է, որ նախքան Նալբանդյանի հետ անձնական ծանոթություն ստեղծելը, Սվաճյանը քաղաքականապես հաստատացած անձնավորություն էր: Լիբերալ Նազարյանին քննադատելով, նա մեծ ակնածանքով էր խոսում Նալբանդյանի մասին:

1860 թ. մայիսից «Մեղուն» սկսում է տպագրել Կոմս էմմանուելի «Հիշատակարանը» հենց իրեն Նալբանդյանից վերցրած հետևյալ բնաբանով. «Ազգության հաստարանը և լծակը է հասարակ ժողովուրդը: Մի ազգ, թո՛ղ որքան կամի, հարուստ լինի երևելի մարգերով, այնուամենայնիվ այդ ազգի ազգության մեքենան շարժվում է հասարակ ժողովրդի վերա, սա է այդ մեքենայի առանցքը, լծակը և հաստարանը»²:

Սվաճյանը, արդեն հասարակ ժողովրդի շահերի պաշտպանությամբ, բողոքում էր տիրող գրաքննչական կանոնների դեմ, կատարյալ ազատություն պահանջելով խմբագիրների անկաշկանդ գործունեության համար:

1860 թ. հոկտեմբերին Պոլսի պատրիարքարան են հրավիրում հայ հրապարակախոսներին և ստորագրություն վերցնում՝ պատրիարքի, կառավարության և իրար դեմ «թշնամացնող» հոգվածներ շտպագրելու համար: Սվաճյանը շնորհակալացավ պատրիարքարան: Այդ բնական էր, քանի որ «Մեղվի» երգիծաբանական հոգվածների հեղինակը չպիտի կարողանար այդ պահանջը կատարել: Ահա այս առիթով՝ քննադատելով կղերա-պահպանողական գործիչներին, «Մեղուն» առաջավոր ինտելիգենցիային դիմեց հետևյալ պահանջներով. «Տպագրությունը, հասարակաց բարվոյն համար իր ազատությունը գործադրած ատեն, ոմանց ատելի երևնալը ոչինչ պիտի համարի, անոնց ծածկել ուզած դեպքերն ու եղելությունները ինք ալ չպիտի ծածկէ երբեք, հասարակաց խաղաղությունը չվրդովելու անխելք խոհեմությամբ...»: Տպագրությունը այսօր պետք է որ ամեն նիգր րափն, ամեն վնաս, վտանգ, զոհ աչքը առնե ու պատերազմի, իր պարտությանը մեջ մեռնի նե ալ՝ իր պաշտպանած ճշմարտությունը օր մը պիտի պաշարվի»³ (ընդգծումը մերն է—Հ. Ղ.): Խմբագրի համար գրելու ազատությունը այն նվիրական զգացումն էր, որը նրան պիտի հնարավորություն տար պաշքարելու ճշմարտությունը պաշտպանելու համար: «Հրատարակիչը այս աշխարհեն չպիտի ձանչե ինքնզինքը.— շարունակում էր «Մեղուն»,—այլ ազատ աշխարհին հրեշտակը պիտի ըլլա, քարոզող այն ճշմարտությունը, որ այս աշխարհս ալ ազատ պիտի ընէ: Հրատարակիչը... Աստուծոմեն ետք իր ազատությունը պիտի պաշտե և անոնք որ տպագրության ազատության թշնամին են մարդկային սեռին ալ թշնամին Լն»⁴:

¹ «Մեղուն», 1860, № 86:

² Նույն տեղում, № 101, էջ 130:

³ Նույն տեղում, 1860, 20 հոկտեմբերի. № 113, էջ 225:

⁴ Նույն տեղում, էջ 226:

Հ. Սվաճյանի շրջադարձի գործում էական դեր են խաղացել նաև իտալական ժողովրդի ազգային-ազատագրական շարժումները, հատկապես «գարիբալդիական» հազարյակի անօրինակ սխրագործությունները:

1840—1850-ական թվականներին իտալական ժողովուրդը հերոսական պայքար էր մղում Ավստրիայի մետերնիխյան ուժերի դեմ: Իտալական ազգային-ազատագրական շարժումները բաժանվում էին տարբեր խմբավորումների: Միապետականների գլուխն էր կանգնած Վատիկանը՝ Հռոմի պապի ղեկավարությամբ: Խոշոր բուրժուազիայի շահերն էին արտահայտում Սարդինիայի ու Պիեմոնտի թագավոր Վիկտոր Էմանուել III-ը և ապագա պրեմիեր-մինիստր Կավուրը:

Բազմամիլիոն գյուղացիության և ընդհանրապես աշխատավորական մասսաների շահերի արտահայտիչներն էին «Նրիտասարդ Իտալիա» կազմակերպությունը՝ Ջ. Մաձձինին և ամերիկյան ազատագրական շարժման վետերան Ջուզեպպե Գարիբալդին:

Իտալացիների մղած ազատագրական պայքարը լայն արձագանք էր գրտնում արևմտահայերի պարբերական մամուլում: Հայ հասարակական հոսանքներից յուրաքանչյուրը, իր ետևում կանգնած դասակարգի շահերից ելնելով, որոշակի վերաբերմունք էր ցուցաբերում այդ շարժման մասնակիցներին: Արևմտահայ պահպանողականները, նրանց պարագլուխ Չամուռճյանը, սև գույներով էին նկարագրում գարիբալդիական հազարյակի գործունեությունը և գովաբանում Հռոմի պապի ու Վատիկանի գործակալների ձգտումները՝ Իտալիայում միապետություն ստեղծելու մասին: Լիբերալ մտավորականները, «Մասիսը» և նրա շուրջը խմբված կոմպրադորական բուրժուազիայի իդեոլոգները գովեստով էին խոսում Կավուրի և Վիկտոր Էմանուել III-ի մասին:

Արևմտահայ դեմոկրատական ինտելիգենցիան, հատկապես նրա ղեկավարներից Հ. Սվաճյանը հարեց «գարիբալդիական» շարժմանը՝ նրան նվիրելով բազմաթիվ ու սրտառուչ տողեր:

1860 թ. նոյեմբերի 20-ին «Մեղուն» տպագրում է «Կարիպալտի» վերնագրով մի հոդված, որտեղ Հ. Սվաճյանը համակրություն է հայտնում իտալական ազատագրական շարժման ռեյտյոցիոն-դեմոկրատական ուղղության ղեկավարին՝ Ջուզեպպե Գարիբալդին: Գարիբալդին 1860 թ. ճակատամարտերից մեկում վիրավորվեց և հրապարակից հեռացավ: Բուրժուազիան նրան պատվավոր աքսոր ուղարկեց: Համանուն առիթով «Մեղուն» գրում էր.

«Ատենն մը իվեր անուն մը կը հեղեղե ամեն բերան, և աշխարհ ամբի բերան կը նայի այն անվան տիրոջն ետևեն. զարմանքով կը դիտե անոր ամեն մեկ շարժվածքը, զմայլանքով ականջ կը դնե անոր ամեն մեկ խօսքերուն և սքանչանալով կը պատմե անոր անշահախնդիր առանձնությունը... Այս անձը առաջալն Աստուծո, կուգա մարդկության բարերարը ըլլալու և գերի ու ստրուկ ժողովուրդներու իրենց ազատուրյունը ստացնելով՝ կրճաշվի կառանձնանա...: Կարիպալտի Իտալիան ազատեց. Կարիպալտի փոխարինություն մը չընդունեց: Ահա այս երկու հատկություններն են, որ աշխարհիս սերն անոր վրա քաջեցին և այսօր առհասարակ ամեն մարդ ավելի ականածությամբ անոր անունն ի բերան կ'առնե քան քան աշխարհիս են մեծ կայսերաց անունը:

Տա՛ր երկինք, որ ամեն ընկնյալ ազգերու համար ալ այսպիսի անձինք հառնեն և աշխարհիս խաղաղությունը հաստատ հիմանց վրա դրվե: Կարիպալտի նոր ժամանակիս դյուցազունը, նոր սերունդին սիրտը քնդացուց և նո-

րա հառակը մեղուն նախանձեցավ անուր և անուր փրկյալներուն բաղդին վրա»¹ (ընդգծումը մերն է — Հ. Ն.):

«Մեղվի» այս հոդվածը տպագրվեց այն օրը — 1860 թ. նոյեմբերի 20-ին, երբ Հնդկաստան ուղևորվելիս Պոլիս ժամանեց և այստեղ մեկ ամիս կանգ առավ հայ ունություն-դեմոկրատական շարժման ղեկավար Մ. Նալբանդյանը: Նալբանդյանի հետ ինչպես Հ. Սվաճյանի, այնպես էլ արևմտահայ պրոգրեսիվ մտավորականության ծանոթությունը խոշոր նշանակություն ունեցավ վերջիններիս հայացքների ձևավորման գործում:

Պոլսում Սվաճյանը սրտառույշ վերաբերմունք ցուցաբերեց «արգո հայրենակցին, պարոն Նալբանդյանցին» և, դիմելով արևելահայ և արևմտահայ ինտելիգենցիային, պատգամեց բարոյապես միանալու, միասնաբար պայքարելու ոչ միայն «խավարի բարեկամների», այլև «բռնություն» և «հարստահարողների դեմ»:

Նալբանդյանի գալուց հետո՝ մի ամիս շարունակ «Մեղվի» էջերը լիքն էին Նալբանդյանց, Շահբեկ և այլ ստորագրություններ կրող հոդվածներով, որոնք խարազանում էին Չամուռեցյանի, Վանցի Պողոս վարդապետի և այլ «խավարամուկների» ազգադավ գործերը: Նալբանդյանը և Սվաճյանը² դաշինք էին կապել ռեակցիոն պահպանողականների դեմ մղվող պայքարում:

1860 թ. դեկտեմբերի 31-ին, Նալբանդյանի Պոլսից մեկնելուց տաս օր հետո, «Մեղուն» տպագրեց «Չորս տարին մեկ օր» խորագիրը կրող հոդվածը, որտեղ իր ողջ գործունեությունը համարեց մեկ օրում անցած ճանապարհ: «Մեղուն ահա այսօր չորս տարին լմնցուց, — գրում է Սվաճյանը, — բայց իր աչքին այս չորս տարին մեկ օր կերևա. վասնզի անցածը միշտ վայրկյան մըն է, ներկան երկու վայրկյան, ապագան է որ անսահման: Մեղուն կհամարե իր կենաց չորս տարին մեկ օր. վասնզի հազիվ մեկ օրվան մեջ գործվելուն չափ գործ գործեց և ծառայությունը ըրավ ազգին»³:

Սվաճյանի շրջադարձի ինչպես նաև Մ. Նալբանդյանի հետ սերտ զինակցություն կնքելու մասին է վկայում 1860 թ. դեկտեմբերին Նեապոլից Նալբանդյանի ուղարկած նամակի բովանդակությունը: Այս նամակը Սվաճյանը ստացել էր 1861 թ. հունվարի 11-ին, սակայն չէր հրատարակել մինչև 1871 թ.:

Նամակում Նալբանդյանը նկարագրում էր իտալական ժողովրդի պայքարը Ավստրիայի տիրապետության դեմ, բացահայտում Նեապոլում, Մեսսինայում և ողջ իտալիայում ծավալված ազատագրական շարժման մասնակիցների դասակարգային կազմը և ձգտումները:

«Նեապոլի մեջ, — գրում էր Նալբանդյանը Սվաճյանին, — համարյա թե նույն չափով կան այն երեք միմյանցից տարբեր հասկացողությունք, որքան Մեսսինայի մեջ և երևում է, որ այս ընդհանուր է ամբողջ իտալիային, հասարակ ժողովուրդը՝ Գառիբալդյան, Միջնակարգը՝ Վ. էմմանուելյան, իսկ ազնվականք՝ թշվառ ետրնթացք:

Կեցցե՛ իտալիա, կեցցե՛ Գառիբալդի, անլուռ աղաղակում է հասարակ ժողովուրդը... Ահա այսքան լուր միայն իտալիո մասին կարող եմ գրել առայժմ:

¹ «Մեղուն», 1860, № 116, էջ 250—251:

² Մ. Նալբանդյանի և Հ. Սվաճյանի փոխհարաբերությունների մասին մանրամասն տե՛ս Ա. Հովհաննիսյան, Նալբանդյանը և նրա ժամանակը, հատ. 1, էջ 495 և հետ.:

³ «Մեղուն», 1860, 31 դեկտեմբերի, № 120, էջ 281:

Ձևն նախանձում Խոալիայի ազատության, դորա հակառակ առ ի սրտե ուրախ եմ, սակայն տեսանելով նորա ազատությունը, իմ ազգի տկարությունը կրծում է սիրտս և այրում է հոգիս... էանան և Վեդուն ծխվում են. Արարատի հին փուկանի մեջ մի՞թե կրակ կմնա իսպառ... մահարեր մտածություն: Ողջունիք իմ կողմից, որոնց կուրծքի մեջ զարկում է ստուգապես հայկական սիրտ կե-
հեով հայ-մաքդերից «հրաժարելով հրաժարիմ»¹:

Արդեն ռեուլուցիոն-դեմոկրատական պատճառների վրա կանգնած Մ. Նալ-բանդյանի այս տողերի հղումը Սվաճյանի պատահական չէր: Հանձինս Սվա-ճյանի Նալբանդյանը արևմտահայ պրոգրեսիվ ինտելիգենցիայի մեջ տեսնում էր հայ ազատագրական շարժման մարտական ղեկավարներից մեկին, դավա-ռի շահերի լավագույն պաշտպանին: Հրապարակախոսը արդեն որոշակիորեն շրջվում է ղեպի դավառ և նկարագրում դավառահայ աշխատավորության կրած զրկանքներն ու տառապանքները:

«Տեսավ դավառական հայոց իրենց իշխան կարգված հարուստներուն ձեռ-քով կրած նեղությունները և տերություն պահանջածեն ավելի հարկ վճարելը նույն իշխաններուն քսակն ուսցնելուն համար,— գրում էր «Մեղուն»:² Տե-սավ ամենայն բեռ, ամենայն ցավ, ամենայն թշվառություն ժողովրդին վերա-ծանրացած, և ամենայն լավություն, ամենայն թեթևություն և ամենայն բարո-րություն ժողովրդին կրակներեն քամված արյունովը գիրացող հարուստներուն վրա հանդած»²:

1860 թ. վերջերից, հատկապես 1861 թ. Սվաճյանի հրապարակախոսու-թյունը կապվում էր արևմտահայ իրականության մեջ կատարվող քաղաքական անցքերի հետ:

Ավելի ճիշտ՝ ամեն մի կարևոր իրադարձություն, որն առնչվում էր հայ ժողովրդի սոցիալական ու քաղաքական ազատագրության հետ, իր արտահայ-տությունն էր գտնում դեմոկրատական շարժման առաջատար թերթի՝ «Մեղվի» էջերում: Սվաճյանի հրապարակախոսության արժանիքն էլ միայն նրա ղեկար-վեստական կողմը չէր, այլ այն պարզ հողվածները, որոնք կոչի ձեռք հրամ-ցրվում էին «սիրելի հայրենակիցներին», դավառահայ գյուղացիությանը, Սվա-ճյանը ժամանակին արձագանքում էր ամեն մի ապստամբության, ցույցի, ժո-ղովրդական ելույթի, եթե դրանք ուղղված էին սուլթանական կառավարության և վաչկատուն քուրդ ասպատակող վերնախավի դեմ: 1861 թ. մարտի 20-ին «Մեղուն» տպագրեց «Ազգային պարտք» խորագրով մարտաշունչ հողվածը, որտեղ կոչ էր արվում՝ կովել ու մեռնել ներքին և արտաքին թշնամիների դեմ մղվող «սուրբ պատերազմում»: Հողվածը տպագրվեց ճիշտ այն օրերին, երբ ազգային ժողովը «Մարաշից դիրեր առավ, թե Ջեյթունի հայք դինյոք դիմա-դրություն են ըրեր, թուրքական զորաց»³: Սվաճյանը ազգային ժողովի ղեկու-տառ էր, և անհավանական չէ, որ այս հողվածը գրվեր Ջեյթունի 1861 թ. ապստամբական ղեպերի ազդեցությամբ: «...Ույց հիմա ազգը շատ թշնամի ունի,— գրում է «Մեղուն»,— ներքին թշնամի և արտաքին թշնամի. թշնամիք նառաջադիմության և լուսավորության, թշնամիներ, որոնք առնեն ազգին մեջ պաշտոն, ազդեցություն և շան ունեին ու հիմա ունենալ չկրնալով, ուխտ լրած

¹ Մ. Նալբանդյան, Հնտիք երկեր, 1953, էջ 619:

² «Մեղուն», 1861, 20 մարտի, № 128, էջ 69:

են ամեն բանի տնօրենություն... ամեն ազգային առաջադիմության նպաստող որոշում եղծելու, կործանելու ու բնաջինջ ընելու և անոնց տեղ իրենց կամքը, կարծիքը, հավատքը և շահը թաղավորացնելու... Վերջապես քշնամի՛, որոնց ոխը ազգին կործանմանը ատեն միայն պիտի կրնա մարիլ»¹ (ընդգծումը մերն է — Ն. Ղ.)։

Հ. Սվաճյանը ներքին դասակարգային թշնամուց սոսկալի, միաժամանակ «կարի զորավոր էր» համարում «դրսի թշնամիներին, սուլթանական և ցարական» կառավարություններին։

«Դուրսեն թշնամիներ կան. թշնամիք, որ անդթաբար կանխայեն, — գրում էր Սվաճյանը, — հինօրյա բարեպաշտ ազգի մը, իրենց տերությունը զորացնելու համար. թշնամիք, որ հեռատեսելով, թե հայ ազգը իր գերության շղթաները քիչ մը թուլցած ատեն, լուսավորության շավղին մեջ քաղաքակրթյալ ազգաց կարի օգտակար ժողովուրդ մը կրնա ըլլալ և թե անով կրնան ամեն կողմ մեծ ազդեցություն ունենալ ու իրենց նպատակին հասնել բեհոներեն կվազեն կուզան և խորամանկ, քան ներքին թշնամիները, իրենց մատուցած լեզի բաժակին բերանը անուշեղեն կքսեն, թշնամիք, որ այսօր պատրաստ կցուցնեն ինքնզինքնին ամեն արտոնություն շնորհելու հայ ազգին, վաղը զանի կլնելու համար. այսօր նյութական բարօրության մեջ կխեղդեն զինքը՝ վաղը անոր բարոյական բարօրությունը հափշտակելու համար»²։

Իրավացի է Ա. Հովհաննիսյանը նշելով. «Երբ Սվաճյանն ակնարկում էր այն մասին, թե ազգի արտաքին թշնամիները «իրենց մատուցած լեզի բաժակի բերանը անուշեղեն կքսեն», ապա նա նկատի ուներ ոչ միայն սուլթանի «շնորհած» Ազգային սահմանադրությունը, այլև, հավանորեն, նաև ցարի մանիֆեստով ազդարարված ձորալերի ազատագրումը»³։

Սվաճյանը չէր բավարարվում վերևից տրված ռեֆորմներով։ Նա ոտքի էր հանում դավառահայությունը և փորձում զինված պայքարի միջոցով լուծելու քաղաքական ազատագրության խնդիրները։ Այդ մարտերում զոհված հերոսները, իրենց մահով փառավոր էջեր կգրեին մարդկության պատմության մեջ։ «Եթե այս սուրբ պատերազմին մեջ ընինք՝ ազգին ամենամաքուր նահատակները պիտի ըլլանք, — գրում էր «Մեղուն», — և բոլ ազգն ալ մեր մահվանն ետև, մեր աչիբըր զոցվելեն ետև զոնվի ուրիշին։ Իսկ երբ հաղթող ելնենք, երանի՛, այն անձերուն, որ ազգի մը ազատաբաժն ըլլալու փառքին պիտի արժանանան, ազատաբաժնե, որ զորավոր տերությանց դեմ մարտնչելով խլեն, առնեն պիտի — անոնց ձեռքն ազգը — չափազանցություն չկարծվի մեր ըսածները» (ընդգծումը մերն է — Ն. Ղ.)։

1861 թ. մարտին Ջեյթունից ստացված բողոքադրերը քննարկվեցին Ազգային քաղաքական ժողովում։ Անարդյունավետ այդ քննարկումից հետո կազմվեց դիմում, և պատրիարքը անձամբ Բ. Դուռ գնաց խնդրելու՝ «զաղարեցնել արյունահեղությունը Մարաշում»։ Սվաճյանը պայքարի այդ մեթոդին դեմ էր։ «Ազգային պարտքի վճարումը» վերնագրված առաջնորդողում «Մեղուն» փրկության միջոցը համարում էր կազմակերպված զինված պայքարը և շարունակում

¹ «Մեղուն», 1861, 20 մարտի, № 128, էջ 66։

² Նույն տեղում։

³ Ա. Ի. Հովհաննիսյան, Նալբանդյանը և նրա ժամանակը, հատ. 1, էջ 496։

⁴ «Մեղուն», 1861, 20 մարտի, № 128, էջ 66—67։

«Սրանի այն հայերուն, որոնցմով Ազգին ապագա սերունդը պիտի պարծի և որոնց օրինակին հետեւելու համար նախանձ մը պիտի զգա իր ներսը, և այն նախանձով մեզնե ավելի մեծ զործեր պիտի ընե Ազգին համար»¹:

«Մեղվի» այս հողվածների, ինչպես նաև 1861 թ. օգոստոսին Պոլսում բերնկված «սահմանադրական» ցույցերի պատրվակով Բ. Դուռը փակեց պարբերականը: 1861 թ. հոկտեմբերի 31-ի առաջնորդողում կարդում ենք, «Երկու ամիս խափանված մնալն ետև Մեղուն այսօր նորեն երևան կելնե բարձրագույն հրամանով,— ավելացնելով, որ ճշմարիտ ազգասերը «փոքրիկնե ետև պայծառ օրեր տեսնել կուզե»²:

Ո՛չ պատրիարքի և նրա ձայնատար պահպանողականների հարձակումները և ո՛չ էլ Բ. Դուռն սպառնալիքները չէին ընկճում Սվաճյանին: Ընդհակառակը: Սվաճյանը շարունակում էր ավելի համարձակորեն քաղաքական պայքարի կոչել արևմտահայությանը:

«Իրավ է, մեր հայրենյաց մեծ մասին տերը օսմանյան կայսրությունն է եղած,— գրում էր «Մեղուն» 1862 թ. հունվարի 10-ին,— բայց սա չէ բուն տերը, ուստի այն չէ, որ պիտի հոգա անոր համար... Մենք է, որ մեր խելովը, մեր ֆրախովը պիտի խլենք անոր փուշերը»³ (ընդգծումը մերն է — Ն. Ղ.): Նոր տարին ավետող ծրագրային այս առաջնորդողից ակնառու է, որ Սվաճյանը պայքարի հրապարակ էր իջել մարտնչելու ոչ միայն դրսի թշնամու՝ սուլթանական կառավարության, այլ նաև ներքին դասակարգային թշնամու՝ հայ կղերի, ամիրաների, վաշխառուների, մի խոսքով, ունևոր, շահագործող վերնախավի դեմ:

«Հայրենասիրություն, հայե՛ր, հայրենասիրություն, հոգ տանինք մեր հայրենյաց, եթե կուզենք ապրիլ և մարդ ապրիլ»,— գրում էր Սվաճյանը:

«Թող կորչին այսօրվա համար ապրող հայերը, որոնք և ոչ իսկ կարող են մինչև իրենց կենաց վախճանը տեսնելու: Մեզ հետ քաշել կուզեն մեր ճամբեն դաս մը շահասեր մարդիկ, որոնք եղբարց անկմանն ու թշվառության վրա դրած են իրենց կենաց հույսը... Ամեն ծանրություն մեր վրա դիված թող չեն տար, որ մեր գլուխը վեր առնենք և լիբենք դիտենք»⁴:

«Մեղուն» ակտիվորեն արձագանքեց Զեյթունի 1862 թ. ապստամբությանը: Ապստամբության նախորդ օրը Պոլսում տեղի ունեցավ արևմտահայ «սահմանադրականների» ցույցը՝ ուղղված պատրիարքի և ամիրայության դեմ: Սվաճյանը ցուցարարների շարքերումն էր: Նա մի ընդարձակ հողվածում նկարագրեց այդ ցույցի ընթացքը, միաժամանակ մերկացրեց ցարիզմի ու սուլթանիզմի լատիմիլյատորական քաղաքականությունը:

Ռուսական «Современное слово» և անգլիական «Հեանտ Հերալդ» թերթերի թղթակիցներին պատասխանելով՝ Սվաճյանը մերկացնում էր մեծ պետությունների էքսպանսիոնիստական դիտավորությունները և հայերի ազատության միակ միջոցը համարում զինված ապստամբությունը:

«Մեկ քանի տերություններ,— գրում է «Մեղուն»,— որ իրենց մեջ բաժներ էին մեր հայրենիքը և յուրաքանչյուրը մենե մեկ մաս մը իր գերին ըրած էր,

¹ «Մեղուն», 1861, 30 մարտի, № 120, էջ 78:

² Նույն տեղում, 31 հոկտեմբերի, № 144:

³ Նույն տեղում, 1862, 10 հունվարի, № 140 էջ 7:

⁴ Նույն տեղում, 10 հունվարի, № 140, էջ 8:

գոհ չըլլալով իրենց առած բաժնիներն, կուգին մեր հայրենիքն ամբողջ գրավել, մեզ ալ միասին և ասոնցմե վարպետը փոխանակ իր ղինվորներուն և մեծամեծ գումարներուն գնովն զմեզ գնելու տեսակ-տեսակ հնարքներով կը տիրեն մեր վրա»:

«Հայը անշափ թշվառ և անշափ հուսահատ կզգա ինքնզինքը, որ իր կենաց վերջին շունչին մեջ վերակենդանության տենչանոք հանդգնությանց կդիմե, քող մոտեն վկայե 1862 թ. օգոստոսի 1-ի ըրածը... Երանի՜ քե համոզվեին ամենեւեմ րե հայերը իրենց անբերելի ցավոց կատաղութենեն կրնան տակավին ավելի հանդուգն ձեռնարկությանց դիմել, քեպետ ցավն ի խորը իրենց սրտեն (ընդգծումը մերն է — Հ. Ղ.)... Մենք արթնացանք և շենք ուզեր մազ մը անգամ կորցնել ինչ որ մեր իրավունքն է, մինչև անգամ մեր այս գերության վիճակին մեջ»¹:

Ահա այս օրերին էր, որ Հ. Սվաճյանը տպագրեց Ս. Շահազիզյանի գրչին պատկանող հետևյալ տողերը.

«Ոչ ոք չի կարող հոգուս նպատակ
Ճնշել, խորտակել բռնության զենքով.
Ոչ սուր, ոչ արյուն, ոչ բանտ, ոչ կայծակ.
Ոչ նույնիսկ գեհեն մշտավառ բոցով»²:

Սվաճյանը, Զեյթունի ապստամբության օրերին, հրապարակախոսության զուգընթաց, գաղտնի աշխատանք էր ծավալում պոլսահայ աշխատավորության և դեմոկրատական ինտելիգենցիայի մեջ: Ռեակցիոն պահպանողականները, նույնիսկ լիբերալ «Մասիսի» խմբագիր Կ. Յուլիանյանը, նկատելով այդ, մատնությանմբ հանդես եկան: Զեյթունի անցքերին զուգահեռ օգոստոսի 1-ի Պոլսի «սահմանադրականների» ցույցը համարվեց լրագրապետներից ոմանց բռնած անխոհեմ դրության արդյունք: Երկու շաբաթով փակվեց «Մեղուն»: Սվաճյանը Լնթարկվեց հարցաքննության: Օգոստոսի 31-ին Սվաճյանը գրում էր. «Լրագրույս խմբագիր — տնօրինին վերջին օրերս ունեցած արեւաքո կարգի ծանր զբաղմունքեն զատ, անձնական տկարությունն ալ շըներելով, որ օգոստոսի 10-ի և 20-ի թիվերը ի լույս ընծայէ...»³:

1862 թ. վերջերից Սվաճյանը հրապարակում չի երևում: Թաքնվելով «Մեչուխեչա» կեղծանվան տակ, Սվաճյանը «Մեղվի» խմբագրությունը թողնում է Աբրահամ Մուրատյանին, այնուհետև Հովհաննես Հովյանցին, Արմենակ Հայկունուն և «անհայտանում» է: Սվաճյանի բացակայության ժամանակ, նախկին մարտական, հրապարակախոսական հոգիածների փոխարեն, թերթը լցվում է պաշտոնական հայտարարություններով, թարգմանություններով, գեղարվեստորեն թույլ պատմվածքներով:

1863 թ. հունիսի 11-ին նորից երևում է «Մեչուխեչան»: «Մեղվի» «Մեչուխեչայի նոր գուժեր» առաջնորդողում Սվաճյանը իր ընթերցողներին հայտնում էր. «Ասկե ելա, լեռ, ձոր անցնելով Թրակիո, Արաբիո, Միջագետքի, Փոքր Հայաստանի և Մեծն Հայաստանի ամեն սահմաններուն մեջ ի Հայկա ցրվյալ թուներուն աղետալի և հարստահարյալ վիճակը զննելու... Մտա Հայկա սերնդյան

¹ «Մեղուն», 1862, № 169, էջ 174:

² Նույն տեղում, № 170, էջ 179:

³ Նույն տեղում, էջ 177:

խորը, վանքերու և եկեղեցյաց հորը, վանահարց և ազգատյաց բռնավորներու փորը, դնեցի, քնեցի, նշմարեցի և տեսա հոն ամեն շարություն, ազգատեցություն և վատթար խորհուրդներ նյութած և մթերված, Գրեթե ամեն քաղաքներուն մեջ անգութ և հարստահարիչ իշխանները, և անխղճորեն բռնացող առաջնորդներ ու վանահայրեր: Իշխանք՝ խեղճ ժողովուրդը կ'հարստահարէն, կ'ճնշեն իսկ հարստահարյալք կաղաղակեն և կը բողոքեն, բայց լսող և օգնող չի կա»¹:

Արտաքին և ներքին թշնամիների սոցիալական հարստահարությունները նկարագրող այս տողերի հրապարակումից հետո, «Մեղվի» էջերը լեցուն են գավառից, հատկապես՝ Մուշից, Վասպուրականից, Զեյթունից ստացված թրդ-թակցություններով, դիմումներով: Հավանական է, որ Սվաճյանը իր շրջագայության ժամանակ եղել էր ինչպես Արևմտյան Հայաստանի հեռավոր գավառներում, այնպես էլ Կիլիկիայի «ապստամբյալ Զեյթունում»: Այդ շրջագայությունը հնարավորություն տվեց հրապարակախոսին ավելի մանրամասն ծանոթանալ գավառահայության սոցիալ-քաղաքական դրության հետ: Սվաճյանը այժմ պայքարում էր երկու թշնամիների՝ սուլթանական կառավարության և հայ վերնախավի դեմ: Նա ձգտում էր ազգային-քաղաքական պայքարի միջոցով լուծել նաև արևմտահայության սոցիալական աղատագրության խնդիրը:

1863 թվականից «Մեղվի» խմբագիրը, արևմտահայ գավառի թղթակիցների դիմառնություններ, հրապարակում էր մի շարք մարտական՝ լիբերալների և պատրիարքարանի, իշխանների ու վանականների զործունեությունը խարավանող հոգովածներ: Սվաճյանը ձգտում էր ժողովրդին բացահայտել, որ «ստար», հատկապես մեծ պետությունները երբեք հայերին ազատել չեն ուզում, նրանց ապստամբման «փրկարար» միջոցը դինված ապստամբությունն է: Հայերի ազատագրման, հատկապես դինված պայքարի մեթոդներով մաքառելու՝ ղեմ էին պատրիարքը, ամիրանները, ազգային խառը ժողովի լիբերալ դեպուտատները:

«Ունիա ինքնին կարողացավ յուր ընտանեկան իրավունքը պաշտպանել, բայց չկրցավ պոսեցվոց անտարբերությանը դիմանալ, — գրում է «Մեղուն», — կարողացավ յուր իրավունքը օսմանյան կառավարության իմացնել և պաշտպանելու խոսքն առնուլ, բայց չկրցավ պատրիարքարանի գութը շարժել, չկրցավ ազգային խառը ժողովի խոսիլը՝ գործելուն դարձնել... Ունիոն անցքին քննությանը համար Բ. Դուան և պապականաց կողմեն տրվելիք տեսուչներն անմիջապես ընտրվեցան, բայց հայոց կողմեն տեսչության պաշտոնը վարելու անձին անձնական զբաղմունքն ազգային իրավունքն կասեցուց և մինչև անգամ հայքը տեսուչ մը ընտրելու անկարող ճանչվեցան աշխարհի առջև, և վերջապես ուլիխայի՛ ալ օր մը ռուսահատուրենն պիտի ստիպվի՞ն ազատաբաւ միջոցի մը դիմելու ուրիշներու նման»² (ընդգծումը մերն է — Հ. Ղ.):

Այս կոչը, կամ ապստամբվելու սպառնալիքը ուղղված էր ոչ միայն սուլթանական կառավարության, այլ նաև Սահմանադրական վարչության լիբերալ դեպուտատների դեմ:

1863 թ. Լեթադրարար՝ Սվաճյանը, լինելով Զեյթունում, վերագրեց իր սկսած տպագրել ամերիկյան միսիոներների՝ բողոքականների, ինչպես նաև Նապոլեոն III-ի կաթոլիկ «ապենտների» գավառափոխական գործունեությունը մերկացնող

¹ «Մեղուն», 1863, 11 հունիսի, № 203, էջ 161—162:

² Նույն տեղում, № 220, էջ 290:

մի շարք հոգեվածներ: Սվաճյանը բազմաթիվ փաստերով ցույց էր տալիս, թե ինչպես նապոլեոն III-ի պործակալները «ազատարարներին» ու «լուսավորիչներին» դիմառնություն Գիլկիայում նախապատրաստական աշխատանք են ծավալում ֆրանսիական կառավարության ծրագրած քաղաքական էքսպանսիայի համար: «Մեղուն» ջանքեր էր թափում արևմտահայության ուղարկությունը հետո պահելու և վրոպական դիվանագետների գծած «ազատագրման» ուղուց և ձգտում էր կազմակերպել ներքին և արտաքին թշնամիների դեմ ուղղված ապստամբական շարժումներ:

Նախադեպի բանտարկությունը, սուլթանական ռեակցիայի նոր հարձակումները երբեք էլ չթուլացրեցին արևմտահայ դեմոկրատական ինտելիգենցիայի, առավել ևս նրա առաջատար պարբերականի խմբագրի՝ Հ. Սվաճյանի պրակտիկ և հրապարակախոսական գործունեությունը: 1864 թ. հունվարի 18-ին «Մեղուն» առաջնորդողում նորից զինված ապստամբության մարտակոչ էր նետվում արևմտահայությանը:

«Այո, մարդկային ազգի հառաջագիմության իրական թագավորը, — գրում էր «Մեղուն», — արդարությունը, որ փորձով տեսնված է, քեռանց արյունահեղության չը պիտի կրնա տիրել երկրագունդիս, մեծ հաղթանակ մը պիտի կանգնե այս քվականիս մեջ, որուն շնորհիվ ոչ միայն պիտի հրեմվին անբիվ տառապյալներ, այլ և երկուրդ և երրորդ մեծագույն հաղթանակներու ալ զուտ պիտի բացվի, այլ և շատ բշխմաներ ինքնին անձնատուր պիտի ըլլան այս նոր արեւային, որուն քաղաքական զաւիճը քվականես... առաջ քաշողը — ցավ»¹ (ընդգծումը մերն է — Հ. Ղ.):

Նոր տարին ավետող նույն առաջնորդողում «Մեղուն» կանխատեսում էր Եվրոպայում հասունացող ռեուլյուցիոն սիտուացիան: «Եվրոպայի մեծագույն տերությունները կշարժին, — գրում էր նա, — փոքրագույնները կխռովին, քաղաքակրթությունը ազատության էլեկտրիկը կը զարնե, բռնակալությունը կահաբեկի. ժողովրդոց իրավունքը հաստատության վճիռ ալ կընդունի՝ հակառակ ինքնակալներու ահալոր և մարդախոշոշ բանականներուն. ազգաց և ընդհանուր մարդկության բարերար դուցազունքը այս անգամ ավելի մեծ արիությունը կը նետվին հասպարեզ. սուրբ կսրվին ամեն կողմ, բնդանորներ կը լեցվին. նավատորմիդներ կը պատրաստվին, բանակներ պատերազմի վիճակի մեջ կդրվին»²:

Այս ռեուլյուցիոն իրադրությունը «կանխահաս» ռեուլյուցիայի կվերածվի, որն ալեկոծելով ողջ «Եվրոպա անպատճառ կերպարանափոխ պիտի ըլլա և անոր հավասարակշռության քասերուն մեջն բան պիտի հանվի դրվի, բան պիտի պակսի եվելնա. մինչև ցարդ արժեք չունեցած երեցողները արժեքնին պիտի գտնեն. ծանր կշովողները պիտի քերևան և նոր հավասարություն մը պիտի հաստատվի...»³:

«Մեղուն» այս առաջնորդողից ակնհայտ է, որ մեղվական երիտասարդությունը ձգտում էր «առաջին հաղթանակով» ազատվել սուլթանական Թուրքիայի տիրապետությունից, իսկ «երկրորդ» և «երրորդ» հաղթանակներով դատաստան տեսնել ներքին, դասակարգային թշնամու հետ:

¹ «Մեղուն», 1864, 18 հունվարի, № 227, էջ 3:

² Նույն տեղում:

³ Նույն տեղում:

Այսպիսով, 50-ական թվականներին հայ ժողովրդի կրթության և լուսավորության ծրագրերով գործող Սվաճյանը 60-ական թվականներին առաջադրեց նրա քաղաքական ու սոցիալական ազատագրության պահանջները:

Մ. Նալբանդյանի և նրա միջոցով նաև եվրոպական ուղղությունն ազատագրական շարժման ղեկավարներից ումանց հետ ունեցած հնարավոր կապերը և գաղափարական ազդեցությունները, զուգակցվելով ժողովրդական մասսաների՝ ներքևից եկող ազատագրական շարժումներից ստացած տպավորությունների հետ, Հ. Սվաճյանին դուրս բերեցին ազգային-դեմոկրատական ուղուց և նրա պրակտիկ գործունեությանը, որոշ դեպքում և «Մեղվի» հրապարակախոսությունյա՞նը հաղորդեցին ուղղություն-դեմոկրատական թափ:

1862 թ. սկսած, սովթանական Թուրքիայի դարավոր տիրապետության դեմ քարոզվող զինված ապստամբությունները Սվաճյանի ծրագրերում արդեն պայքարի միջոց էին թուրքական ֆեոդալիզմը տապալելու, քուրդ ցեղապետների ու հայ հարուստ վերնախավի, աշխարհիկ և հոգևոր ֆեոդալների ճանկերից աշխատավոր գավառահայությունը ազատագրելու համար: «Մեղվի» էջերը լցվում են գավառի շարքաշ գյուղացու սոցիալական դրությունը նկարագրող հոգվածներով, գավառահայ և քաղաքի «օրավարձու մշակներին», արհեստավորներին ուղղված սոցիալ-դասակարգային պայքարի բազմաթիվ կոչերով: Ազգային հարցի կողքին Սվաճյանի հրապարակախոսության մեջ տեղ է գրավում և աստիճանաբար հիմնականը դառնում ազգարային հարցը:

Քիչ էական չէ և այն, որ Նալբանդյանի բանտարկությունից, ապա և նրա մահվանից հետո արևմտահայության ազատագրման ծրագրերի իրականացման համար մղվող պայքարի գործը շարունակում է Հ. Սվաճյանը՝ զինակիցներ ունենալով Ս. Թագավորյանին, Գր. Զիլինկիրյանին, Կ. Փանոսյանին և ուրիշներին: Նա կատաղի մարտեր էր մղում Նալբանդյանի արևելահայ և արևմրտահայ հակառակորդների դեմ, խարազանում Այվազովսկի-Չամուռճյան կուսակցության ժողովրդադավ գործերը: Պատահական չէ, որ հայ ուսակցիոն պահպանողականների դեմ ուղղված Մ. Նալբանդյանի «Կտոր մը աշխատակալաբանություն» պամֆլետը Պետրոպոլիսյան բերդից դուրս է գալիս և առաքվում Հ. Սվաճյանին, տպագրվում «Մեղու» երկշաբաթաթերթում: «Ազգային թշվառություն» հոգվածը, «Ուղերձ առ Մեշուխեշա» բանաստեղծությունը այլևս կասկած չեն թողնում այն սրտառուչ մտերմությանը, որը շարունակում էր հարատևել Նալբանդյանի և Սվաճյանի միջև նաև բանտարկության տարիներին:

60-ական թվականներից սկսած մինչև 1874 թ., այսինքն մինչև իր մահը Հ. Սվաճյանը աներեր կերպով կանգնած մնաց «Նալբանդյանական» դիրքերում: Խորին գաղտնության մեջ մնացող նրա պրակտիկ գործունեությունը ունեցավ ուղղություն բովանդակություն, սակայն հրապարակախոսության ասպարեզում Սվաճյանը չկարողացավ բարձրանալ Նալբանդյանի աստիճանին: Ազգային-քաղաքական պայքարի գաղափարախոսության խնդրում Սվաճյանը մնաց բուրժուա-դեմոկրատական դիրքերում, որոշ առիթներով արտահայտելով ուղղություն-դեմոկրատական մտքեր ու տեսակետներ: